

Na osnovu člana 7 stav 8, člana 10 stav 7, člana 11 stav 2, člana 12 stav 5, člana 13 stav 7 i člana 14 stav 5 Zakona o oznakama porijekla, geografskim oznakama i oznakama garantovano tradicionalnih specijaliteta poljoprivrednih i prehrambenih proizvoda ("Službeni list CG", broj 18/11), Ministarstvo poljoprivrede i ruralnog razvoja, donijelo je

Pravilnik o načinu registrovanja oznake porijekla i geografske oznake poljoprivrednih i prehrambenih proizvoda*

Pravilnik je objavljen u "Službenom listu CG", br. 27/2014 od 30.6.2014. godine, a stupio je na snagu 8.7.2014.

Predmet

Član 1

Ovim pravilnikom propisuje se bliži sadržaj i način podnošenja zahtjeva za registrovanje oznake porijekla ili geografske oznake, način podnošenja prigovora, sadržaj, oblik i način vođenja registra oznake porijekla ili registra geografske oznake (u daljem tekstu: Registar), sadržaj zahtjeva za upis u evidenciju korisnika registrovanih oznaka porijekla i evidenciju korisnika registrovanih geografskih oznaka, sadržaj i način vođenja evidencije, postupak upisa i brisanja iz evidencije, način podnošenja zahtjeva za izmjenu specifikacije proizvoda, kao i oblik i sadržaj zahtjeva za ukidanje rješenja o registrovanju oznake porijekla ili geografske oznake.

Zahtjev za registrovanje oznake porijekla i geografske oznake

Član 2

Zahtjev za registrovanje oznake porijekla i geografske oznake podnosi se u pisanoj i elektronskoj formi na Obrascu 1 koji je sastavni dio ovog Pravilnika.

Prigovor na zahtjev za registraciju

Član 3

Prigovor na zahtjev za registraciju podnosi se na Obrascu 2 koji je sastavni dio ovog Pravilnika.

Registar oznaka porijekla i Registar geografskih oznaka

Član 4

Registar oznaka porijekla i Registar geografskih oznaka sadrži sljedeće podatke:

- registrovani naziv proizvoda;
- kategoriju proizvoda;
- broj "Službenog lista Crne Gore" u kojem je objavljen naziv registrovane oznake porijekla ili geografske oznake; i
- naziv udruženja koje je podnijelo zahtjev za upis.

Registar se vodi u elektronskoj formi.

Evidencija korisnika registrovanih oznaka porijekla ili geografskih oznaka

Član 5

Zahtjev za upis u evidenciju korisnika registrovanih oznaka porijekla ili geografskih oznaka podnosi se na Obrascu 3 koji je sastavni dio ovog Pravilnika.

Evidencija korisnika registrovanih oznaka porijekla ili geografskih oznaka sadrži sljedeće podatke:

- o korisniku oznake (naziv i sjedište, odnosno ime i adresu);
- naziv grupe proizvođača ili prerađivača;
- registrovanu oznaku i naziv proizvoda;
- datum prijema zahtjeva;
- broj sertifikata;
- datum upisa u evidenciju korisnika registrovanih oznaka porijekla ili geografskih oznaka;
- naziv i adresa sertifikacionog tijela koje sprovodi potvrđivanje u skladu sa specifikacijom proizvoda;
- godišnjoj proizvodnji.

Izmjena specifikacije proizvoda

Član 6

Izmjena specifikacije proizvoda vrši se na osnovu podnijetog zahtjeva.

Zahtjev za izmjenu specifikacije proizvoda podnosi se na Obrascu 4 koji je sastavni dio ovog Pravilnika.

Manjom izmjenom specifikacije ne smatraju se izmjene koje se odnose na:

- bitna svojstva proizvoda;
- vezu između proizvoda i geografskog područja;
- promjenu naziva proizvoda ili bilo kojeg dijela naziva proizvoda;
- određeno (definisano) geografsko područje;
- povećanje ograničenja trgovine poljoprivrednih ili prehrambenih proizvoda ili njihovih sirovina.

Zahtjev iz stava 1 ovog člana podnosi se u pisanoj i elektronskoj formi.

Ukidanje rješenja o registraciji oznake porijekla ili geografske oznake

Član 7

Zahtjev za ukidanje rješenja o registraciji oznake porijekla ili geografske oznake podnosi se na Obrascu 5 koji je sastavni dio ovog pravilnika.

Zahtjev iz stava 1 ovoga člana podnosi se u pisanoj i elektronskoj formi.

Zahtjev iz stava 1 ovoga člana podnosi se ako u roku od sedam godina nijedan proizvod koji je zaštićen oznakom porijekla ili geografskom oznakom nije stavljen na tržište.

Stupanje na snagu

Član 8

Ovaj pravilnik stupa na snagu osmog dana od dana objavljivanja u "Službenom listu Crne Gore".

Broj: 320-480/14-2

Podgorica 24. juna 2014. godine

Ministar,

prof. dr **Petar Ivanović**, s.r.

* U ovaj pravilnik prenesen je čl. 1, 4, 5, 6, 7, 8, 9, 10, 13, 15, 16 i 17 Uredbe komisije (EZ) broj 1898/2006 od 14. decembra 2006. koja uređuju pravila za sprovođenje Uredbe Vijeća (EZ) broj 510/2006 o zaštiti geografskih oznaka i oznaka porijekla poljoprivrednih i prehrambenih proizvoda.

NAPOMENA REDAKCIJE: *Obrasce u PDF formatu možete preuzeti putem interneta klikom na sledeći link:*

Obrasci